

中國方志叢書·華中地方·第三八四號

據

民國·郭鴻厚，陳習珊等纂修
民國三十四年鉛印本

影印

四川省

大足縣志

(二)

成文出版社有限公司印行

K29
15
=384(2)

大足縣志卷五目錄

人物上

楊甲傳

何光覺傳

胡子昭子儀傳

雷孔文傳

鄔桂枝傳

李翔傳

馮生虞傳

潘紱傳

李福仲傳

江宏道傳

劉天成傳

李尚湖傳

黃玉芳傳

陳海北傳

李型廉傳

劉超儒傳

江坦傳

梁濤觀傳

蔣作霖傳

劉增傳

羅珊傳

劉大權傳

余棟臣傳

王樹槐傳

李師沆傳

饒國樑傳

章王氏傳

沈以淑傳

儒林傳

孝友傳

任恤傳

方技傳

僧道傳

烈婦傳

貞烈傳

貞孝傳

老人傳

李太師

李太師

李太師

李太師

李太師

李太師

李太師

李太師

李太師

李太師

李太師

李太師

李太師

大足縣志卷五

人物上

楊甲傳

楊甲字鼎卿一字嗣清邑人宋縣令何光震饒郡守王夢應記云人品有楊賢良王文止之清亭沼有香霏鑑湖之勝又云有楊賢良六經圖勒石通志以甲為遂寧人非也甲性剛直經學湛深為諸生時受知於蜀帥范公極禮重之成都修學宮及縻橐堰皆屬甲為之記大觀間舉賢良方正科得人最盛尹洙富弼張方平輩出焉甲亦自矜重不肯以禮下人試於部部使者頗以繡衣自驕怒其不降意誣劾以罪趙衛公為白其繇於當國者始寢及後登乾道丙戌蕭國樞榜進士其對策言恢復之志不堅者二一謂妃嬪滿前聖論幾於惑溺一謂策士之始及兵者不過一言而已是以談兵革為諱為迂也孝宗覽對不悅置之第

五賜文林郎教授嘉陵而卒著有六經圖六卷棣華館小集一卷六經

圖舊勒石於縣學今亡

何光覺傳

何光覺邑人宋淳祐十年庚戌科方逢辰榜進士通志作榮昌人非也城西街有孝泉井相傳為何孝子故物世遠年湮久而莫測所在明嘉靖己酉縣令李茂陽因神示夢而掘出之驗十紀縣令董極為之記曰孝泉井者宋進士何光覺母病渴危禱諸天地而泉遂湧出以救之者也夫孝至於動天地格鬼神也道至誠也後之人覩其井興其孝思而何孝子之名永矣

胡子昭子儀傳

胡子昭邑崇山人崇山今名馬鞍山子昭故里在焉明史方孝孺傳以子昭為榮縣人非也明羅廷唯為之傳云子昭字仲常一字伯高舊名志高其宅里在永川萊山里中余得考焉洪武中以行修薦至京師高廟重之初任榮縣訓導時天台方公孝孺教援漢中倡明道學子昭往

從之遊歸而盡得其學遷翰林檢討充庚申年史官累陞至兵部尚書
文皇渡江靖難子昭與孝孺先期相為誓約及被執皆不屈死之時洪
武三十五年九月十一日也臨刑神色不變賦詩曰金聲催急鼓聲忙
監斬官追上法場烙鐵火燒紅燄燄鋼刀犀利白茫茫此身刑憲歸冥
府九族伶仃各異鄉寄語滿朝朱紫客鐵人無淚也心傷復易中聯云
兩間正氣歸泉壤一點丹心在帝鄉遂從容就義都人無不傳誦而流
涕者父復初充邊軍其妻王氏女與兒俱沒為奴男長曰繼次曰績俱
坐死其弟子儀先是應聘分威遠教授累官山東僉事聞兄死節棄官
匿於丹徒民家蜀獻王知而憐之命祝髮為僧辭曰父母遺體不敢自
傷竟不從二子各數歲撫而謂之曰嗟乎吾兄無後果天不絕胡氏二
子當免於難遂棄去不知所終有懷鄉詩云一區茅宇棠山下半畝方
塘夕照中鄉國匪遙身自遠乾坤雖大足難容蜀人至今皆能道之余
常過大足棠山下見子昭宅遺址旁有胡氏家傳為子儀後或曰其族

也

雷孔文傳

雷孔文邑人少岐嶷文有奇氣趙文肅公貞吉見而嘆賞之旋中嘉靖己未進士明制進士天子親策於廷中式者無私謁時嚴嵩當國以羅致士人朋比為奸士人亦爭趨其門以為常孔文既第隨同第者往謁嵩門者難之毅然返嵩詢得實訝為耿介士焉尋除辰州府推官會土夷奪嫡據印前守屢檄諭之爭如故孔文至飭綱紀修法度接之以禮而誨之如家人夷悉畏服還戶部主事見朝政日非遂乞歸今三驅鎮官帽山下其墓在焉

鄔桂枝傳

鄔桂枝字月樓邑人中明嘉靖十年辛卯舉人授河南翼城縣令翼民貧且悍素稱難治桂枝至擇其尤狡黠者繩之以法一縣翕服時庶政繁苛細民不勝其擾當桂枝未至前獄幾為之滿桂枝一一詳察而有

釋之又舊王府歲例銀百餘兩悉取諸民桂枝復中革之遇有飢饉賑恤備至翼民大化愛戴之若父母治聞擢雲南劍州知州皆爭致牛酒遮道往送如失恃焉劍州與麗江接壤麗江土夷覬劍地膏腴以重價啗民購為所有前守者往往聽之以此地日促而糧仍存劍民大困桂枝嚴令禁止土夷不敢顯爭仍欲收其糧潛以重金餽桂枝叱曰汝買田已誤收糧更誤若糧去則是重困吾民也峻却之夷地盡服稱賢有司焉今縣南有桂枝神道碑一云其故里在屢豐橋

李翔傳

李翔邑人明天順元年丁丑科進士官南京兵科給事中性剛正伉直敢言憲宗卽位數月與同官王徽王淵朱寬李鈞疏陳四事末言自古宦官賢良者少奸邪者多若授以大權致令敗壞然後加刑是始愛而終殺之非所以保全之也願法高皇帝舊制毋令預政典兵置產立業家人義子悉編原籍為民嚴禁官吏與之交結惟厚其賞資使得豐足

無復他望此國家之福亦宦官之福也帝不省其冬帝入萬妃譖廢吳
后罪中宮牛玉擅易中宮謫之南京翔與徽等復劾之謂賊臣牛玉大
肆奸欺罪須萬死僅斥陪京左右將何所憚忌而李賢等視立后大事
成敗不出一言請並罪賢等以為大臣不忠者戒臣等職居言路不為
苟容雖死無悔語激昂不稍隱忌疏入帝怒詔謂妄言要譽欲加罪諸
給事御史交章論救乃并謫州判官徽謫貴州普安淵茂州寬潼川鈞
綏德翔寧州旨下侍郎葉盛編修陳音請留不納御史楊琅復諫尤切
直幾得罪翔至寧以判官終

馮生虞傳

馮生虞字德卿縣西人明萬曆甲戌進士性果決守正不阿知香山縣
以清操著聞尤善決獄無冤滯訊實立懲以法巨奸皆匿跡遠颺時田
糧散佚奉檄清大他縣吏卒滿道紛擾不堪生虞獨單騎齋具不費民
間一錢造魚鱗歸號冊籍無爽尺寸以功擢諫臺有骨鯁風方鄭貴妃

生子常洵有殊寵詔進封為皇貴妃而王恭妃育皇長子已五歲無所
益封中外籍籍疑帝欲立愛戶科給事中姜應麟等十餘人抗疏切諫
帝不聽且多得罪生虞復與御史何選疏請早定國本以釋危疑帝不
懌謫生虞極邊而斥選為民以閤臣言稍寬生虞罪南京給事中任彥
藁抗章論救語侵閤臣帝復怒謫彥藁於外生虞仍以雜職調邊方未
幾卒熹宗立憫生虞以忠見謫贈封太常寺少卿今縣西中鰲鄉有生
虞故里碑

潘紱傳

潘紱字朱來邑人性高潔工詩詞中明崇禎九年丙子科舉人任唐事
府主簿見朝政叢煩盜賊蜂起乃去職隱寶頂山下以林泉自娛無何
左良玉大破張獻忠於太平瑯琊山獻忠與羅汝才合兵度川西所至
闕隘防兵多遠遁十三年庚辰十月陷劍州遇劍閣趨廣元直走陽平
關十一月以保甯射洪蓬溪諸縣有官軍萬元吉等躡其後乘虛據安

岳遣先鋒東下當此時也縣城危如累卵人心皇皇邑令張達字恆源
束手無策紱不忍先人廬墓為賊蹂躪乃往說達募士練兵以守衛自
任達聽之於是與其兄弟偕諸縉紳練士城西隅指揮鼓舞人思盡敵
比賊先鋒至瞥見旌旗蔽野懼而去獻忠亦以新敗瑪瑙山故聞之宵
遁內江南竄瀘州而縣城得以保全故紱題曰者張恆源卷序曰即今
大桐青龍諸山萬灶尚黔阜尚髡乃不敢東窺吾靜南一步使銅永安
枕淪合若不聞兵者蓋實錄也賊去達疏紱績上聞而主者以未戰勿
庸敘格之達更思慰勉曰明年復當大比君以文當武貫扎矣紱歎曰
燦燦薰人焉用文之且夫射虎不侯豈非赴赴飛將軍其人歟瀘亭吏
何代蔑有而公易持人左券若此雖然書生耳固無所覲武人功請修
吾初服自是入山益深不問世事十六年甲申正月獻忠自岳陽北渡
步騎數十萬入夔州六月陷重慶取丁壯萬餘刳耳鼻斷一手驅徇各
縣兵至不下者同刑八月陷成都僇者日以萬計隨遣平東王孫可望

安西王李定國北定王艾能奇撫南王劉文秀四將分居窮鄉僻壤深
崖峻谷男女之倖存者日數萬人時綦江王祥為遵義九圍子隘官以
勇敢著聞賊憚不敢犯川人多走依之而李占春于大海陳兵涪州地
方亦安靜紱於順治二年乙酉二月十九日紆迴至涪舟達涪涘去國
已數百里復知有生之樂乃解佩刀作清平樂二章曰波光曲注戀國
偷尋渡豺虎不須爭道路上有漁樵深處拏音岸語低喧疾風勁草開
顏醺酒尤瞻故國劍花舞落江天輾轉至遵義杜門謝客明亡有欲強
之仕者笑而不答作老女吟辭招口號以見志著有天布齋稿鐸音盡
中鳴集無卷數又著古詩十九首疏意皆散佚年五十卒於遵義

李福仲傳

李福仲字麓卿縣西三驅鎮人其先江西吉安籍明季曾祖瑞始遷蜀
南瀘州江安縣聚寶山小楊樹祖某父盛林母冉氏弟兄三人長福堯
次福祚福仲其季也福仲幼有膽略年十三丁崇禎甲申之變卽慨然

有殺賊志越四年戊子八月福仲方與七人刈禾田間適桂王部把總張某以招募義勇過其旁諸人皆畏避福仲挺身出口吾願殺賊久矣請歸帳下遂隨張把總赴滇斬將寨旗屢建奇勳擢楚雄中軍副將復以功晉定遠將軍時清軍已長驅入關而明諸王將帥怯於公戰勇於私鬪所至輒潰福仲乃偕同官八員棄官歸入蜀始知清軍已定四川自以明室舊臣懼罹禍變姓名為楊君錫買舟東下至瀘州道經趙家大灣娶趙氏旋恐偵牒至復還榮縣鍾黃溝時順治十八年也無何遷安岳五寶寨無何又遷縣西黃連壩無何又遷響水灘之楠木園而以黃連壩轉授程某無何又遷仁義里之三華山無何又遷瓦罐窰之水口遷凡七遷而定居於楊李河喜其土地膏腴山川靈秀且自清界祖定鼎以後無猜殺遺臣事至是始復姓名為平民焉晚誨諸子以敦孝友重耕讀而戒以不作官於康熙二十九年正月無疾卒年五十九子六長天吉次天祿次天富次天貴次天照次天爵孫鍾岳增貢生曾孫

璉廩生玄孫璉廩拔貢生以書香世其家

江宏道傳

江宏道字司祕邑人幼失怙家貧好讀書其母以紡績佐之旋游泮中康熙庚子科經魁先是宏道赴都試母為理筆硯整行囊以待臨行之晨北鷄忽作雄鳴宏道以為不祥氣稍沮母為曲解曰母難忽作公難叫此科必中江宏道遂啟行果如母言宏道性調儻善辭章尤工書法官內閣中書遇事勤謹有賢聲雍正間奉命採參遼東稱旨除雲南通海知縣尋擢曲靖府同知所至輒與諸生講經義畸重力行月課殿最拔其尤者獎掖之一時人才蔚起絃歌雅誦常溢訟庭士民被其澤者爭圖像生祀於家旋丁母艱歸哀毀骨立守制課讀初縣志創自史彰僅有抄本乾隆庚子邑令李德延宏道及張萬策等纂修旁搜博證厥功尤偉昇服闋蒞原任年五十九歲卒於官著有香雪樓詩集藏於家

劉天成傳

劉天成字乙齋三驅鎮人始祖時中明昭勇將軍由楚遠蜀父溢拔貢生歲符縣教諭入孝友傳天成少慧於書無不讀皆成誦稍長博通經史善屬文萬言立就以乾隆癸酉拔貢中是科鄉試次歲甲戌會試復聯捷授翰林院檢討與紀文達公昀同館旋官福建江南道監察御史吏料掌印給事中一時名公長德如周文恭公李雨村太史尹文端公裴文達公等皆慕其為人樂與之遊當是時海內宴安風俗日漸剏敝天成乃條奏疏通舉班禁止溺女改定服式及厚風俗以培國脈等疏議論剴切有古大臣風尋陞順天府府丞通政司參議大理寺少卿會高宗晚年和坤秉政黜陟不自朝廷廷臣承奉惟謹恐拂其意天成獨不阿一日私宴坤頗謂天成曰公靴敝矣曷易諸天成諷之曰吾靴雖敝而底尚堅何易為坤知刺己銜天成刺骨天成遂奏劾其罪疏留中及仁宗立誅坤詔天成詣京欲大用而天成已先歿矣葬江北頭塘著有綿潭山館詩集二卷子二長光龍官山東福山尉前卒次柄旭平武